

《佛說觀無量壽佛經》 補充講表

◎附表十：

*觀落日之緣由

※《觀經四帖疏》卷第三云：「欲令眾生識知彌陀依正二報，種種莊嚴光明等相，內外照

曜，超過此日百千萬倍。行者等若不識彼境光相者，即看此日

輪光明之相。若行住坐臥，禮念憶想常作此解，不久之間即得定

心，見彼淨土之事快樂莊嚴。為此義故，世尊先教作日想觀也。」

○若觀是地者，除八十億劫生死之罪。捨身他世，必生淨國，心得無疑。

※《觀無量壽佛經釋論》云：「或疑：僅觀其地，何能即得如此勝果？不知此地為壽佛歷

劫以來淨德所成，唯為救度眾生而設。然眾生若不修觀，則彼此兩不相

涉，無從聯合，以闕乏種子故。按唯識理：眾生所依之器世界，皆識所

變現。今於寶地令一一觀之，了了分明者，即是熏習其識，使留深刻之印象於藏識中；若本有出世淨種，則熏令長成；如或未具，亦得新熏而生。

由此變起根身器界，而以寶地為依報焉。法爾成就，故云：【心得無疑】。」

○一一華葉，作異寶色：琉璃色中，出金色光；玻璃色中，出紅色光：一切眾寶，以為映飾。

※《觀無量壽佛經疏鈔演義》云：「體是七寶具成，本有七種色相；其所出之光，則轉變

他色，故曰作異寶色。」以下糅合靈芝《觀經義疏》

○釋迦毗楞伽摩尼：釋迦毗楞伽，此云能勝。摩尼，此云離垢。亦云如意。能勝世間一切

珍寶之寶珠也。

○眾寶間錯，色中上者：眾寶間者，不獨珠也。色中上者，異於常也。

○此諸寶樹，行行相當（當，猶對也。），葉葉相次（依順次連接）。

○其葉千色，有百種畫，如天瓔珞：百種畫，即葉脈。如天瓔者，狀其文也。

○有眾妙華，作閻浮檀金色。

※《觀無量壽佛經直指疏》云：「閻浮檀，此云勝金。閻

浮樹果水汁，點物成金。因流入河，染石成金。其色赤黃，兼帶紫燄。」

○涌生諸果，如帝釋瓶。有大光明，化成幢幡無量寶蓋。是寶蓋中：十方佛國，亦於中現。

※《觀經四帖疏》卷第三云：「從涌生諸果下，至亦於中現已來，正明果有不思議德用之

相，即有其五：一、明標果生時，自然涌出。二、明借喻，以標果相。三、明果有神光，

化成幡蓋。四、明寶蓋圓明，內現三千之界，依正二嚴種種相現。五、明十方淨土，普

現蓋中。彼國人天，無不睹見。又此樹量彌高，縱廣彌闊。華果眾多，神變非一。一一

樹既然，遍滿彼國所有諸樹之果眾多，盡皆如此。應知一切行者，行住坐臥常作此想。」

○次當想水。欲想水者，極樂國土有八池水。以下糅合會性長老《觀無量壽佛經集解》

*極樂有八池，此有二說：一、謂一國有八個池。

※靈芝《觀經義疏》：「一國八池，渠道相通。」

二、謂八池水，即八功德池。※《觀無量壽佛經疏鈔演義》云：「言極樂有八池者，並非指土祇有八個池；乃指一池有八功德。謂池中有水，水有八德。下結云：『八功德水』者是也。幸勿以文害意。」後義為勝。又云：「須知極樂國中，有總報池，聖凡共業之所感報。

小本云：『有七寶池，八功德水』，指此池也。其大無喻。十方眾生往生彼國，即在此池。」

○一一池水，七寶所成。其寶柔軟，從如意珠王生。分為十四支：作七寶妙色。

※演義云：「一一二字，承上八池而來。言彼佛國內，所有無量阿僧祇不可說池；每一一池水，無不七寶所成。」

○其寶柔軟，從如意珠王生，分為十四支；一一支，作七寶妙色。黃金為渠，

※《觀經疏鈔演義》云：「從如句，明寶來處。寶從何來？謂從如意珠王中生，自一源出，

分作十四支流。言如意，即梵語摩尼。摩尼寶珠，為眾寶之王，故七寶水從彼而生，亦名摩尼水。水既寶成，故各有妙色，況是黃金為渠。渠，即池也。」

○黃金為渠，渠下皆以雜色金剛，以為底沙；

※《觀經四帖疏》卷第三云：「明渠下底沙作雜寶色，言金剛者，即是無漏之體也。」

○其聲微妙，演說苦、空、無常、無我諸波羅密，復復有讚歎諸佛相好者。

※《觀經四帖疏》卷第三云：「正明水有不可思議德，即有其二：一、明寶水華間流注，

微波相觸，即出妙聲，聲中皆說妙法。二、明寶水上岸尋樹枝條華果葉等，或上

或下。中間相觸皆出妙聲，聲中皆說妙法；或說眾生苦事，覺動菩薩大悲，勸令

引他；或說人天等法；或說二乘等法；或說地前地上等法；或說佛地三身等法。」

*水能說法

※《佛說無量壽經》云：「波揚無量自然妙聲，隨其所應，莫不聞者。或聞佛聲，或聞法聲，

或聞僧聲，或寂靜聲、空無我聲、大慈悲聲、波羅蜜聲，或十力無畏不共法聲、諸通慧聲、

無所作聲、不起滅聲、無生忍聲，乃至甘露灌頂眾妙法聲。如是等聲，稱其所聞，歡喜無量。」

○是為八功德水想。

*八功德水：從如意寶中出，即名如意水，此即有八種之德：

※《觀經疏鈔演義》云：「此第五本是水觀，以與第二名同，故立池名。其實是水，故結水想，為第五觀也。疏云：【言八功德者：輕、清、冷、軟、美、不臭、飲時調適、飲已無患。清；是色入；不臭，香入；輕冷，觸入；美，是味入；調適無患，是法入。鈔云：【並前說法，是聲入。雖成六入，無非妙境。故令行者，速證無生。】竊謂：功德，妙用也。彼水有八種妙用，故稱八德。言八德者：一、輕德：不若此水但能下注，不能上流，彼水能上能下。經云：【尋樹上下，流注華間。】二、清德：此水觸沙泥即濁，彼水清潔自如（清淨潤澤）。三、冷德：此水遇曝則熱，彼水涼冷自若。四、軟德：此水體質強硬，往往沖壞塘堤。彼水體質柔軟，能益餘物。五、美德：此水淡而濁味，彼水甘而清美。六、香德：此水全無氣息，彼水撲鼻芬香。七、飲者無厭德：此水多飲生厭，彼水飲者調適。八、無患德：此水飲多生病，病飲增劇；彼水調神開慧，增道損生。故稱為八功德也。」